


徐州府銅山縣鄉土志



銅山縣

圖式





銅山縣

圖式







學宮圖

銅山縣

圖式






道署圖

銅山縣

圖式

四






府署圖

銅山縣

圖式

五







縣署圖

銅山縣

圖式

六







銅山縣

圖式

七







察院圖

銅山縣

圖式

八






銅山縣

圖式

九





銅山縣

圖式

十

柳泉行宮圖





銅山縣

圖式

十一





真龍山圖

銅山縣

圖式

十二





銅山縣

圖式

十三





子房山圖

銅山縣

圖式

十四






街道圖

銅山縣

圖式




十五



銅山縣

圖式



十六



城北集鎮圖

銅山縣

圖式





銅山縣

圖式





銅山縣

圖式





銅山縣

圖式

二十一





銅山縣

圖式

二十一

徐州府銅山縣鄉土志

總校

在任候選道調署銅山縣知縣袁國鈞

同知銜銅山縣儒學訓導兼理府教授張汝礪

分校

銅山縣舉人

祁世倬

銅山縣舉人

韓志正

銅山縣廩貢生

王嘉誥

銅山縣廩生

鄭叔平

編次

徐州府銅山縣鄉土志

一

銅山縣歲貢生

楊世楨

銅山縣增生

劉敬修

宿遷縣廩生

任鳳九

銅山縣鄉土志目錄

全境地圖

各衙署圖

闔境各圖

形勢說

歷史

政績錄

兵事錄

耆舊錄

戶口

宗教

徐州府銅山縣鄉土志

目錄

地理

山水湖溝

鄉鎮

塾堡

學堂

工藝

古蹟

祠廟

土產

商務

徐州形勢說

徐州岡巒四合汴泗交流北走齊魯西通梁宋自昔要害地也後漢建安末孫權欲取徐州呂蒙曰其地勢陸通驍騎所騁今日取之操後旬必來爭蓋其地爲許洛襟要蒙以車騎非步兵所能敵江南之力是時未可以爭中原也及晉人南渡彭城之得失輒關南北之盛衰太元九年時河南城堡多附於晉謝元欲使朱序屯梁國自屯彭城以北固河上西援洛陽朝議不允旣而黎陽以南遂自騷動隆安二年後魏取後燕之滑臺慕容德與諸

臣韓范等謀先據一方以立基本張華曰彭城楚之舊都可攻而據之潘聰曰彭城土廣人稀平坦無垠且晉之舊鎮未易可取又密邇江淮夏秋多水乘舟而戰者吳之所長我之所短也不如取廣固而據之蓋是時慕容德之勢不能取彭城彭城爲晉必爭之地雖取之而不能保較之曹魏有主客懸絕之分也宋王元謨曰彭城要兼水陸南臨大淮左右清汴表裏京甸捍接邊境城隍峻整禁衛周固又自淮以西襄陽以東經途三千達於濟岱六州之人三千萬戶常得安全實由此鎮及彭

城沒於後魏而淮泗日益多事魏尉元曰彭城宋之要藩不有重兵積粟不可固守若資儲既廣則宋人必不敢窺淮北薛虎子曰國家欲取江東先須積穀彭城徐州良田十餘萬頃水陸肥沃清汴通流足以溉灌興置屯田資糧易積非直戍卒豐飽亦有吞敵之勢也陳顧野玉曰彭城險固由來非攻所能拔且其地形都要不特捍蔽南國爲必爭之地而自昔東南用兵莫不由此以臨諸夏矣唐李泌曰江淮漕運以甬橋爲咽喉見宿州若失徐州是失江淮也國用何從而致宜急建重鎮於徐州

使陸運常通則江淮安陳無已曰彭城之地北守則畧河南山東南守則瞰淮泗故於兵家爲攻守要地蘇軾曰徐州爲南北襟要京東諸郡邑安危所寄也三面被山獨其西平川數百里西走梁宋使楚人開關延敵眞若從屋上建瓴水也土宜菽麥一熟可資數歲其城三面阻水樓堞之下以汴泗爲池惟南面可通車馬而戲馬臺在焉其高十仞廣袤百步若用武之世屯千人其上築戰守之具與城相表裏而積三千糧於城中雖用十萬人不能取也唐庚曰魏太武以百萬眾觀兵瓜步卒

盟而還不復議渡江元英以大衆困於堅城之下
不敢舍而深入慮合肥彭城之議其後也胡三省
曰彭城密邇兗豫南北朝時魏人南寇水行則自
清入泗陸行則歷城瑕邱皆輳彭城故王元謨爲
水陸兼要也

節錄方輿紀要

按昔人言守長江必先守淮泗規山東必先取
徐海今英之兵輪梭織於長江英將由長江而
北德之鐵路絡續於山東德將山東而南南北
之交徐當其衝苟於此時練兵訓農通商勸工
興學可以殖基可以圖成可以係山東之利害

徐州府銅山縣鄉土志

形勢說

三

可以制江淮之險要似今日之徐州較諸古尤
爲要害之要害奚待智者而知之乎

歷史

徐州府銅山縣歷代沿革表

唐
山銅

晉
山銅

縣
山銅
隋志

大彭國

徐州彭

唐
山銅

〔路史政紀〕

城國治

徐州治

虞
山銅

彭城縣

彭城縣

大彭國

〔地理志〕

武德四年改爲

夏
山銅

東晉
山銅

徐州〔唐地理志〕

大彭國

北徐州

五代
山銅

商
山銅

彭城郡

梁

徐州府銅山縣鄉土志

歷史

四

大彭國

治彭城

唐

武丁十四年

縣〔東晉疆域志〕

晉

亡國

志

漢

崇國
經水

宋
山銅

周
山銅

注商末亡

徐州彭

徐州治

周
山銅

城郡治

彭城縣

呂國〔路史〕

彭城縣

宋
山銅

周世國名紀

〔宋書州郡志〕

徐州彭

彭城邑

齊
山銅

城郡武

〔見左傳成公時屬宋〕

齊時屬

甯軍節

<p>域<small>〔三國疆</small> 志</p> <p>治彭城</p> <p>置<small>升州為府</small> 縣<small>治焉</small></p>	<p>彭城縣</p> <p>彭城郡</p> <p>縣<small>〔雍正十年</small> 置</p>	<p>城國治</p> <p>隋<small>銅山</small></p> <p>治銅山</p>	<p>徐州彭</p> <p>彭城縣</p> <p>徐州府</p>	<p>三國魏<small>銅山</small></p> <p>彭城郡</p> <p>朝</p>	<p>縣<small>〔漢郡</small> 國志</p> <p>為徐州</p> <p>國</p>	<p>治彭城</p> <p>地屬齊</p> <p>明<small>〔明史地理志</small> 地</p>	<p>彭城國</p> <p>陳<small>銅山</small></p> <p>隸南京</p>	<p>東漢<small>銅山</small></p> <p>縣<small>〔方輿</small> 紀要</p> <p>徐州直</p>	<p>郡地</p> <p>濮陽三</p> <p>明<small>銅山</small></p>	<p>徐州府銅山縣鄉土志</p> <p>歷史</p> <p>五</p>	<p>日<small>〔楚元</small> 和樂</p> <p>邑陽平</p> <p>紀<small>〔元史順</small> 帝</p>	<p>復立都</p> <p>郡領襄</p> <p>尋復故</p>	<p>年楚國</p> <p>南陽平</p> <p>武安州</p>	<p>高帝六</p> <p>綜傳<small>〔元地理志</small> 後改</p>	<p>彭城縣</p> <p>彭城縣</p> <p>歸德府</p>	<p>楚國治</p> <p>徐州治</p> <p>徐州屬</p>	<p>漢<small>銅山</small></p> <p>郡<small>〔秦置方</small> 輿紀要</p> <p>梁<small>銅山</small></p> <p>元<small>銅山</small></p>	<p>屬泗水</p> <p>彭城縣</p> <p>地理</p>	<p>彭城縣</p> <p>城郡治</p> <p>城縣<small>〔宋</small> 史</p>	<p>秦<small>銅山</small></p> <p>魏為彭</p> <p>度治彭</p>
---	--	---	----------------------------------	---	---	---	---	---	--	-------------------------------------	--	----------------------------------	----------------------------------	---	----------------------------------	----------------------------------	---	---------------------------------	--	---

政績錄

縣志職官表僅足以記姓名而已其賢否固無從表見卽名宦所紀亦紛然不一雖片長薄技皆曠括數言以存其大概使諸先賢自寄於不朽茲爲教育起見故僅就其有裨地方之政如興利除害聽訟等循其朝代節錄其大概以爲後賢之觀覽至無關地方利害者雖有善長皆聽其缺如

漢薛惠東海郟人丞相宣子成帝時爲彭城令宣從臨淮遷陳畱過其縣橋梁郵亭不修宣心知惠不能畱彭城數日案行舍中處置什器觀視園菜終

不問惠吏事惠自知治縣不稱宣意遣門下掾送宣至陳畱令掾進見問宣不教戒惠吏職意宣笑曰吏道以法令爲師可問而知及能與不能自有資材何可學也眾人傳稱以宣言爲然惠後至二千石

袁安字邵公汝南汝陽人永平中楚王英謀爲逆事下郡覆考明年三府舉安能理劇拜楚郡太守是時英辭所連及繫者數千人顯宗怒甚吏案之急迫痛自誣死者甚眾安到郡不入府先往案獄理其無明驗者條上出之府丞掾吏叩頭固爭以爲

阿附反虜法與同罪不可安曰如有不合太守自當坐之不以相及也遂分別具奏帝感悟卽報許得出者四百餘家

蘇章字儒文扶風平陵人安帝時出爲武原令時歲饑輒開倉廩賑濟活三千餘戶後遷冀州刺史

樂巴字叔元魏郡內黃人漢安初以光祿大夫與杜喬等八使循行州郡觀省風俗巴使徐州所按察無冤濫世傳其爲神仙

陳登字元龍爲徐州典農校尉是時歲荒民饑登乃巡土田之宜盡鑿溉之利秔稻豐積遂成沃土後

徐州府銅山縣鄉土志

政績錄

七

曹操以爲廣陵太守

季漢王祥字休徵琅琊臨沂人漢末遭亂與弟覽奉母避地廬江隱居三十餘年不應州郡之命呂虔檄爲別駕委以州事於時寇盜充斥祥率厲兵士頻討破之州界清靜教化大行時人歌之曰海沂之康實賴王祥邦國不空別駕之功後爲太保

胡威字伯虎質之子也咸熙中爲徐州刺史勤於政術風化大行晉代魏威人朝武帝問曰卿何如父清對曰臣父清恐人知臣清恐人不知是臣不及遠也帝以威言直而婉謙而順

晉王渾字元冲太原人泰始初遷徐州刺史時歲饑
渾開倉賑贍百姓賴之

謝元字幼度陳郡陽夏人太元初授兗州刺史監江
北諸軍事三年救戴逯於彭城敗秦師功加領徐
州刺史八年授都督徐兗青諸州軍事敗符堅於
淝水詔元經畧舊都率大軍駐彭城堰呂梁水以
利漕運公私利便

元魏薛虎子代人河東公野豬之子姿貌壯偉明斷
有父風太和三年襲爵四年徐州民桓和等叛詔
虎子爲副都將與尉元討平之就除彭城鎮將在

鎮雅得民和除開府徐州刺史時州鎮戍兵資絹
自隨不入公庫任其私用常苦饑寒虎子上言徐
州左右水陸沃壤清汴通流足盈溉灌其中良田
十餘萬頃若以兵絹市牛分減戍卒計其牛數足
得萬頭興力公田必當大獲粟稻一歲之中且給
官食半兵糗植餘兵尙眾且耕且守不妨捍邊一
年之取過於十倍之絹暫時之耕足充數年之食
五稔之後穀帛俱溢孝文納之在州戍兵每歲交
代虎子必親自勞送喪者給其斂帛州內遭水二
麥不收上表請貸民粟民有車牛者求詣東兗給

之並如所奏民得安堵在州十一載卒

李彥字次仲燉煌人宣武時爲徐州刺史延昌二年夏大霖雨川瀆皆溢彥相水陸形勢隨便疏通得無淹漬之害朝廷嘉之頻詔勞勉

唐張建封字本立鄧州南陽人貞元四年爲徐泗濠節度兼度支營田觀察等使鎮徐州創置軍伍凡十年躬於所事一軍大治至禮賢下士無賢不肖皆優遇之韓愈許孟容李藩皆奏署幕府子愔嗣爲節度治徐七年其政亦以善稱

宋蘇軾字子瞻眉山入熙甯末知徐州時河決滙於

城下漲不得洩城將敗軾詣武衛營呼卒長曰河將害城事急矣雖禁軍且爲我盡力士卒咸感動持畚鍤以出築東南長堤民心始安雨復晝夜不止河勢益暴軾廬於城上使官吏分堵以守卒全其城明年復增築故城爲水岸以虞水再至朝廷從之

楊時字中立將樂人元豐末爲徐州司法參軍學者宗之稱龜山先生

金僕散安貞本名阿海貞祐三年爲徐州行樞密院副使四年討泗水賊郝定平之安貞在州數年民

賴以安

完顏仲德本名忽斜虎谷懶路人正大初同僉徐州行樞密院事徐城東西北三面臨河南獨平陸仲德壘石爲基增城之半復浚隍引水爲固民賴以安天興二年復自尙書右丞行省事於徐州總領王德全反復仲德誅之已奉詔赴行在議遷蔡國亡赴汝水死

明馬良崑山人洪武初以薦舉授徐州衛知事明習法令糾繩軍政上下咸服嘗與指揮蔡祥協建衛治後升德慶府同知其孫紀遂占籍於徐

徐州府銅山縣鄉土志

政績錄

十

王竑字公度湖廣江夏人陝西河州戎籍景泰二年以僉都御史巡撫地方德威並行一時汙墨者望風解去四年徐泊蕭沛諸邑大饑疫民日就死亡流離竑憂甚亟令有司發粟賑貸又令設粥食貧製葯餌療病全活數十餘萬人又請頒詔遣祭境內群神率屬秉虔爲壇祭告災癘浸消民始蘇息行部至徐賦苦雨詩二章憂民之意藹然言外尋進副都御史罷去民思之如慕父母天順中復詔起巡撫故地徐州聞其至老弱扶攜迎候道路以數萬計爭相擁輿入行臺以次進謁踰三日未已

尋遷兵部尙書乞病歸

宋誠字彥實湖廣蘄州人饒有才識景泰中由劍州知州改任遭時饑癘與巡撫王竑協心共濟多方賑救往吏多怠玩廢事誠繩督弗少假借政務修舉吏民畏服凡公署學廟次第葺治百廢俱興又以政暇修纂郡志文獻賴之遷叙州知府去

王以旂字士招江甯人正德辛未進士授上高令厯官至兵部右侍郎徐呂洪竭漕舟滯不行遣以旂督治至則先求故道視泉脉循經流各爲疏治自徐洪南抵沽頭增置閘又相地形引水塹築土壩

徐州府銅山縣鄉土志

政績錄

十一

河流時滙漕舸皆如期達京師沿漕渠水櫃多爲勢豪侵沒任怨力請復之至今賴焉事竣加俸一級擢掌南臺

劉天和字養和麻城人正德戊寅進士嘉靖閒漕河淤塞奉命來視河道躬負畚鍤疏汴河自朱仙鎮至沛縣飛雲橋殺其下流又疏泰山七十二泉自島尼諸山達南旺湖濬其上流運道乃通進兵部尙書

潘季馴字印川烏程人嘉靖乙丑出爲總河時黃河決沛之飛雲橋穀城沙河畱城境山一帶河渠盡

塞漕舟阻不可行季馴謂河性喜下決而衝者過
顛在山之水非其性也力請復故道濬復留城以
下六十里運道以通而徐境以無汜濫至隆慶萬
厯間河復屢決季馴又三出爲總河皆以復故道
爲主而告成功官工部尙書所著書曰河防一覽
言治河方畧極精密至今猶採用之

劉順之廣西馬平人由舉人隆慶六年知徐州事廉
介精明善剖煩劇徐頻年被水爲築張村站堤塞
房村決口創週圍護城堤遍厯郊野問民疾苦請
賑蠲恤之力行條鞭法裁定賦役學宮新遷曰爲
人常往謁之

舒應龍廣西全州人起家進士萬厯初任徐州兵備
副使潔已愛人作興土類黃河溢州城數被浸與
知州劉順之度地量財周城築堤以捍衛復求名
人纂修州志陞任去士民爲建祠武甯門內後仕
至南京兵部尙書

姜士昌丹陽人由進士萬厯十年以戶部主事管徐

州倉時方弱冠洞燭利弊卽老吏不及恤軍惠商不聽外訟胥吏畏若神明羨餘萬金悉貯州帑尤謙恭下士加意學校及去士民爲樹德政碑於雲龍山之顛

陳文燧江西臨州人嘉靖辛酉壬戌俱魁葩經萬曆十七年以御史出爲徐州兵備副使爲政崇大體月朔望必詣學與諸生講論庚寅辛卯郡大水城市以舟燧相地城南鑿支河以洩城中積水至今賴之

梅守相字台甫宣城人萬曆己丑進士授工部主事

徐州府銅山縣鄉土志

政績錄

十三

分司夏鎮陳泐河利運狀遷郎中董其役眾議紛譎相身歷塗潦冒艱險閱九載績成以二百六十里之泐河避黃河險三百六十里舟行者甚便之仕至按察使

袁應泰字大來鳳翔人萬曆末爲淮徐兵備廉介有爲勅建學宮增修城堞橋梁濬支河洩積水察夫柳驛遞爲吏民累裁其冗濫歲饑發倉設粥以賑全活頗眾復捐贖緩糴粟以足常平徐民德之後以薊遼經畧殉難死

國朝陳嘉允山東東平人順治二年由舉人以戶部郎

中管徐倉修葺衙宇創建倉廩招商賈撫軍民裁
額外之征商民爲建德政碑

孫詔武威人雍正二年知徐州治匪類禁淫祀以正
風俗爲已任州城自康熙七年地震頽圯垂五十
年詔使修築完固去後人思之不忘

姜焯昌邑人牧徐州善政多端其尤著者修櫺星門
建尊經閣又於雲龍山勅立義學捐俸延師所成
就甚眾徐人士至今追思不置云

李根雲趙州人徐初改州爲郡蒞政初卽詳請增添
文廟佾生及樂器延曲阜樂師教習其樂器悉如曲阜

徐州府銅山縣鄉土志

政績錄

十四

聖廟制又因黃茅岡舊址建雲龍書院首捐已俸率合
郡官及縉紳家成之多方設置學田以爲膏火資
延名公指授生徒迄今人文蔚起四載陟揚州鹺
使後擢廣饒九南道

高攀桂陝西澄城縣人附貢生任銅山縣時歲饑爲
民請賑親自查勘散給嚴戒書役侵漁務使災民
悉沾實惠全活甚眾疏挑荆山橋 家山等河以
蘇民困聽訟虛心研究不牽連平人卒於官士民
至今猶尸祝之

佟國弼奉天人康熙三十九年知徐州值歲饑力請

蠲賑發常平倉粟二千石貸民間明年饑民不能償代償之又立育嬰堂全活頗眾卒官無以斂人皆痛哭祀名宦

康基田山西興縣人乾隆丁丑進士任徐州道捐修府城疏通溝瀆改建書院爲講授士民感澤立祠書院祀之

鰲圖鑲紅旗漢軍于氏在徐整頓河務開通文風士民設位四賢祠祀之邵大業知徐有文學以清著名王兆棠政多惠愛

俞穎達字鳳臺山陰人任徐州府清慎明決平豐邑

徐州府銅山縣鄉土志

政績錄

十五

段氏寃立致澍雨疏濬奎河荆山橋河水害以息設義學建橋梁與士民言必以忠孝安分以憂去徐人泣戀不已立祠祀之

高攀桂陝西澄城人任銅山時歲饑爲民請賑躬自按給絕胥吏侵漁全活甚眾疏荆山橋河以蘇民困虛心鞠獄不牽連平人士民至今猶尸祝之

裘安邦字古愚會稽人道光初授徐州鎮慈祥廉儉練兵修柵詰奸宄護行旅歲出俸金六百濟貧民復籌費二千緡建義學五所月朔親爲讀法講畫常行市中遇一婦虐其姑立捕撻之幾斃閭郡稱

快愛民若子弟徐人頌德卒立祠祀之

伍承平金陵舉人咸豐六年署徐州教授復攝訓導課士取人必秉大公值捻匪交閏奉檄辦團練實事求是不避艱險積勞成疾臨終猶遺書上台處分防剿諸要務贈太僕寺卿銜

滕家勝湖南鳳凰廳人咸豐間授徐州鎮善用兵忠義憤激徐方依賴之臨陣戰沒

王夢齡字雨山大興人咸豐元年任徐道會粵賊擾徐捻逆復張往來劫掠無虛歲夢齡創集團練就隄築長圩俾民知守禦爲堅壁清野之法聞警輒

徐州府銅山縣鄉土志

政績錄

十六

身先士卒指揮截殺遇風雨猶登城不少休在徐十年講戰守甚備募兵徵餉蔽遮兩淮皆夢齡之力也民思其德請建專祠祀之

朱善張平湖人同治元年任徐道值捻逆倣擾善張撫馭有方山東流民與沛民爭田擊殺數十人洵洵幾致亂善張率兵捕斬民賴以安

高梯字雲浦彭澤人同治六年任徐道廉正勤苦操守堅卓人不敢干以私在徐二載修水利課紡績擒巨盜除豪強設書院置義地無不實事求是故俗役夫舁棺必視買棺之數而索其值少靳則閔

然散去喪家多不得葬梯聞大怒勒碑厥禁其風
頓革時寇難初平遊勇往往煽亂梯綏戢有方四
境靖謐以勞卒徐人懷之祀名宦

張振鏞廣西人同治十年任銅山勤勞幹練尤長於
折獄每訊鞠必洞察其情親自裁決不受請託不
爲拖累痛抑吏胥不假以權舞文弄法之弊無自
生焉任滿當遷里之人爲請上憲以畱之上憲鑒
其誠有久任銅山以慰輿情之語可想見當日之
吏治矣

段起光緒初年任徐州道下車伊始卽訪求徐州利

徐州府銅山縣鄉土志

政績錄

十七

弊急議興革振興學校聘請山長招士子住山肄
業廣增膏火以示體恤在任五月以憂去未得竟
行其志徐人惜之

譚均培字叙初貴州人光緒四年任徐州道廉明有
威曰巡邊境盜賊斂迹時徐人廣種鶯粟食之者
曰多而糧食轉見短少均培知其害嚴行禁止歲
致豐亨尤嘉惠士林增廣膏火使諸生住院肄業
而親爲講論焉

段喆安徽宿松人光緒十三年任徐州道去釐金以
便商人開河渠以興水利嚴治盜賊民賴以安徐

州科目寥寥詰通風鑒學改建奎宿閣後南北闡
獲隼者頗盛至今徐人猶道之

桂中行江西臨川人光緒十五年任徐州府清慎明
決廣行善政在徐十年民多稱頌焉

王肇震字東麓山東人光緒十五年任銅山性嚴厲
治盜賊不遺餘力一時四境安堵無搶劫者尤長
於折獄是非曲直一言而斷不積案牘不累平人
民實受福焉

兵事錄

迄古以來彭城號稱重鎮兵事紛然茲就其緊要者錄之

周穆王末年徐子叛自稱偃王淮北諸侯朝之者三十六國穆王命楚討之偃王敗走彭城武原山下後地歸宋彭城赧王二十九年齊楚魏攻宋康王走死于温三國分宋地以彭城與楚秦始皇二十三年伐楚虜其王盡得楚地

秦二世元年秦嘉已立景駒爲楚王軍彭城東欲拒項梁梁擊破之追至胡陵嘉走死

徐州府銅山縣鄉土志

兵事錄

十九

三年秦將章邯擊楚軍大破之定陶項梁死沛公項羽相與謀乃與呂臣俱東呂臣軍彭城東項羽軍彭城西沛公軍碭楚兵已破懷王恐自盱眙都彭城并呂臣項羽軍自將之以沛公爲碭郡長封爲武安侯將碭郡兵及項羽救趙沛公乃西畧地入關

漢二年春漢王部武諸侯兵凡五十六萬人東伐楚是時項王方留擊齊以故漢王遂入彭城收其寶貨日置酒高會項王聞之令諸侯擊齊而自以精兵三萬人南從魯出胡陵至蕭擊破漢軍漢軍入

穀泗水楚又進擊至靈璧東睢水上漢軍卻爲楚所擠卒十餘萬皆入睢水水爲之不流圍漢王三匝會大風從西北折木發屋揚沙石晝晦楚軍大亂漢王乃得與數騎遁去欲過沛收家室而楚亦使人之沛取漢王家室皆亡不與漢王相見是時呂后兄周呂侯將兵居下邑漢王間行從之稍稍收其士卒至滎陽復振

高祖十一年淮南王英布反渡淮擊楚敗楚兵徐僮間元王奔薛楚丞相冷耳守彭城城賴以全

獻帝初平二年黃巾賊寇徐州以陶謙爲徐州刺史

徐州府銅山縣鄉土志

兵事錄

二十一

擊黃巾大破之境內以安

三年下邳人闕宣聚眾數千人自稱天子劫畧郡縣謙爲徐州牧始與合從遂殺之而并其眾

四年曹操擊謙破彭城傅陽謙退保郟操攻之不能克乃還

興平元年夏操復征謙拔五城皆屠之凡殺男女數十萬人鷄犬無餘泗水爲之不流自是五縣城保無復行迹

明帝元年三月石勒攻陷下邳寇彭城徐州刺史卞敦退保盱眙次年勒將石虎寇下邳彭城刺史劉

遐自彭城退保泗口

穆帝永和五年二月褚裒以石虎死表請北伐直指泗汭先遣前鋒都護王頤之徑造彭城示以威信後遣都護麋疑進軍下邳賊皆奔潰於是裒率眾三萬次彭城河朔士庶歸降日以千數悉撫納之太元九年謝元經略舊都次下邳秦徐州刺史趙遷棄彭城走元進據彭城遣參軍劉襲攻兗州既平元患水道險澀糧運艱難用督護聞人爽謀堰呂梁水以利運漕自此公私利便進攻青冀等州皆降還鎮淮陰以朱序代守彭城

徐州府銅山縣鄉土志

兵事錄

一二十一

元嘉二十七年魏太武南侵乘勝至鄒山尋攻彭城不克引兵南下至瓜步北還經彭城下語城內食盡且去須麥熟更來義恭懼閉門不敢追

武帝正始三年梁遣將宋黑率眾伐彭城魏將奚康生擊走之梁復遣臨川王宏等勒甲十萬規取徐州又假宋黑徐州刺史領眾二萬水陸俱進徑圍高塚戍魏奚康生爲別將領羽林三千人騎步甲士隨便割配與梁軍一戰卻之

孝明帝孝昌三年梁將軍成景儁率眾逼彭城築柵造堰謀斷泗水以灌城中魏崔孝芬等擊之還

後周武帝建德六年陳宣帝聞周滅齊欲爭徐兗遣
吳明徹督諸軍伐之十月明徹至呂梁乃堰清水
以灌其城環列舟艦於城下攻之甚急周以王軌
禦之軌輕行至清水入淮口橫流豎木以鐵鎖貫
車輪遏斷船路陳諸將聞之甚惶恐議欲破堰拔
軍以舫載馬仍自決堰乘水勢以退及清口水勢
微不得渡軍潰遂就俘虜

唐元宗天寶末安祿山反命虢王巨爲河南道節度
使屯彭城巨以賊勢熾東走臨淮

宋高宗建炎三年金粘沒喝圍徐州知州王復固守

徐州府銅山縣鄉土志

兵事錄

一二十一

城陷死之金人北還都虞侯趙立結鄉民爲兵復
彭城後立去又失

金宣宗興定二年十二月紅襖賊攻彭城之胡村寨
徐州兵討破之

元順帝七年河南山東盜蔓延徐州濟寧滕邳等處
十年立兵馬指揮使捕滅馬賊

十一年蕭人李二及老彭趙均用聚眾反攻陷徐州
十二年命將討之攻破徐州屠其城李等遁走十
三年降徐州爲武安州徙城南數里

明建文四年正月靖難兵駐沙河進攻沛指揮王顯

迎降遂下徐宿等州縣

武宗七年流賊劉六等犯呂梁及房村驛焚官署民居並艦軍民殺傷無算姚暉敗賊於滕之呂孟社賊走徐州又追破之遂遁去

熹宗天啟二年山東妖賊徐鴻儒等以白蓮教倡亂攻破鄆鄒滕嶧諸縣南下陷夏鎮由荆山口至徐營子房山劫掠居民知州汪心淵獲賊耳目三人斬之盡撤黃河舟楫賊知有備引去向豐縣後與東省合兵滅之

莊烈宗九年闖王二十四營攻徐州不克遂西陷虞

徐州府銅山縣鄉土志

兵事錄

一二十三

城

十年流寇至房村及胡山官軍與鄉兵列陣禦之賊不敢逼乃進至城南焦山等處遂引去

十七年李自成以其黨武愷爲防禦使旣而我

朝定徐執愷餘黨程繼孔等及山東盜先後爲徐屬各邑患者以次第平之徐境安然

咸豐四年粵匪洪秀全分股北竄擾掠銅蕭碭等境爲徐州總兵破之城西九里溝後分擾徐屬出入豐沛蕭碭邳宿睢等境至數年悉誅夷平之

耆舊錄叙

易曰君子多識前言往行以蓄其德是知往哲所爲皆足動後人之觀感聞風興起以進於善况生於其地者父老所傳聞志乘所記載言之最悉見之最真其觀感興起尤有甚焉者乎徐州阻山帶河磅礴鬱積之氣所鍾毓者不乏英奇又近接鄒魯得聞聖人之教濡染者深自漢以來名臣將相率多出乎其間沿及唐宋下迄於今魁傑者亦相繼而起凡名儒循吏與義行忠節之風尤指不勝屈因採輯今昔所聞合而記之俾前人之軼事不至泯沒而不彰後生小子亦得有所稟從焉作者

徐州府銅山縣鄉土志

耆舊錄叙

一二十四

舊錄

漢

姜肱字伯淮彭城人與二弟仲海季江俱以孝行著聞兄弟友愛常共卧起博通五經遠方來學者三千餘人與季江謁郡夜遇盜欲殺之兄弟爭死賊兩釋之但掠取衣資而已既至郡中見肱無衣服怪問其故肱託以他辭終不言盜盜聞而愧悔就肱廬叩頭還所掠物肱不受而遣之

後漢書本傳

張昭字子布彭城人少好學善隸書通左氏春秋漢

末大亂昭渡江輔策創業以功封婁侯

事詳三國志本傳

嚴峻字曼才彭城人善詩書三禮又好說文性質直

純厚其於人忠告善導志存補益後事孫權為騎

都尉

事詳三國志本傳

劉平彭城人更始時天下亂平弟仲為賊所殺平扶

母逃難仲遺腹女始一歲平抱仲女而棄其子曰

力不能兩活仲不可以絕類與母匿野澤平朝出

求食遇賊將烹之平叩頭曰今日為老母求菜願

歸食母畢還就死賊憐其孝哀而遣之

後漢書本傳

晉

徐州府銅山縣鄉土志

耆舊錄

一二十五

劉愧字大連彭城人避亂渡江事元帝為從事中郎

遷丞相司直屢有彈奏不畏疆禦

事詳晉書本傳

北魏

劉僧利彭城人輕財通俠甚得鄉情孝文幸徐州引

見善之拜徐州別駕

劉芳彭城人聰敏過人篤志典墳文帝時為中書侍

郎授太子經才思深敏精博尤長音訓

事詳魏書本傳

宋

陽瓚彭城人守滑台魏主來攻城東北崩堅守不動

眾潰不屈魏人殺之

梁

劉覽彭城人十六通老子易經以所生母憂廬於墓

再期不嘗鹽酪食麥粥而已隆冬只著單衣武帝

聞其孝數使省視

梁書劉孺傳

到洽到沆到漑彭城人俱清警有才學武帝嘗問邱

遲曰到洽何如沆漑遲對曰正清過於沆文章不

減漑加以清言殆將難及

梁書本傳

劉孝綽彭城人七歲能文稱神童後為著作郎辭藻

為後進所重文集數千萬言行於時

隋

徐州府銅山縣鄉土志

耆舊錄

一二十六

劉士隽彭城人性至孝丁母喪絕而復蘇勺飲不入

口者七日廬於墓負土成墳列植松柏虎狼馴擾

為之取食文帝表其門

隋書孝文傳

唐

劉藏器彭城人高宗時為侍御史尉遲寶琳脅人為

妾藏器劾還之寶琳私請帝止其還藏器力爭於

帝前曰法為天下萬民所共陛下用舍由情法何

所施帝乃從之

新唐書劉延祐傳

劉知柔藏器子性儉靜居親喪廬墓側詔築闕表之

劉審禮少喪母為祖母元所養隋末大亂負祖母渡

江轉側避地及天下平西入長安元每疾病必親
煮藥嘗而進後遭父喪比葬徒跣流血行路咨歎
事繼母尤謹友愛其弟得祿多資之而妻子寒苦

晏如也

事詳劉
德威傳

劉仁贍彭城人輕財重士法令嚴肅鎮壽州世宗攻
之甚急仁贍極力防禦自正月至四月不能下後
與齊王景達不協憤惋成疾世宗復至淮上盡破
其砦景兵大敗出降仁贍獨堅守不下三日病甚
其副使孫羽詐爲仁贍書以城降世宗嗟嘆久之

事詳五
代史

徐州府銅山縣鄉土志

耆舊錄

一二十七

宋

郭廷謂字信臣彭城人幼好學工書善騎射性恭謹

事母以孝聞

事詳宋
史本傳

劉湜字子正彭城人舉進士爲澶州推官審閬州獄
活死囚七人後知耀州富平有盜掠人子女者旣
就擒陽死伺間逸去捕後復陽死湜趣焚其屍

宋史

本傳

張天驥字聖塗彭城人隱居雲龍山自號雲龍山人

郡守蘇軾時與之遊

劉庠字希道彭城人八歲能詩中進士爲高密廣平

院教授英宗求直言庠上書論時事後值安石變法不肯屈事安石神宗諭之曰奈何不與大臣協心共濟乎庠曰臣知事陛下不敢附安石

事詳宋本傳

鄭僅字彥能彭城人知福昌縣值歲饑悉意賑貸民不流亡後知甯州諸軍多殺老弱持首要賞僅下令非強壯而能生致者賞半之有內附羗追寇得老人不忍殺擒之乃其父也相持哭一軍感動

宋史

本傳

陳師道彭城人苦志好學年十六以文謁曾鞏一見奇之熙甯中王氏經學盛行師道心非其說遂絕

徐州府銅山縣鄉土志

耆舊錄

一二十八

意進取爲人高介有節安貧樂道於諸經尤邃詩

禮爲文精深雅奧

事詳宋史本傳

趙立徐州人以勇敢隸兵籍金人攻徐立督戰城陷立奪門以出金人擊死之夜半蘇復入城結鄉民爲收復計乘金人北還邀擊卒復其城後守楚州金人來攻屢戰不屈死之立爲人不知書忠義出於天性每戰擐甲先登有退却者大呼馳至捽而

斬之

事詳宋史本傳

元

傅汝礪彭城人文章典茂爲時所稱著有詩集八卷

明

權謹彭城人十歲喪父卽哀毀奉母至孝母九十終廬墓卒致泉湧兔馴之異有司以聞拜文華殿大學士謹辭帝曰朕之擢卿以風天下之爲人子者

他非卿責也

明史孝義傳

張鶴鳴字孚宇彭城人進士授山陰知縣值張居正度田民苦浮稅鶴鳴履畝清釐邑人德之

周中立字近溪彭城人廩生性耿直呂洪部郎雷某謁聖廟失儀中立面斥之爲所中傷隱居礪學二十餘年學使者廉知復貢追給所歷廩資立終不

徐州府銅山縣鄉土志

耆舊錄

一十九

受自號三明居士

李向陽字孝乾彭城人性純孝忘情仕宦乙丑會試却逆璫交幾罹禍後渡江旅食金山歸而躬耕自給

萬壽祺字年少由選貢中鄉試五上公車不第甲申後避地吳中當事欲授以吳江令不就復渡江築室袁浦其學博極羣書深明憲法書畫皆精絕周湘彭城人母亡侍父寢食十有一年不入私室李恩少孤貧採薪養母母年七十患風痰恩無力延醫引刀割股啖母母賴以全

國朝

張膽彭城人由武舉入 國朝官至副將謝歸課耕
植務居積好善樂施凡州有大故及拯災恤患事
人以告靡不應康熙辛酉徐大饑出粟數千石設
廠分賑復運麥三千石賑淮安州學圯眾謀遷建
捐千五百金爲倡荆山口爲南北孔道橋壞不可
行出三萬六千餘金建橋長數里以便行旅卒祀
鄉賢

李蟠字仙李號根菴丁丑進士殿試第一官修撰有
文譽書法趙松雪詩篇瀟散爽逸人不能及己卯

徐州府銅山縣鄉土志

耆舊錄

三十

主順天鄉試名彥林立如虞山西林溧陽王相國
皆出其門子杜善詩孫光璧工詩文

韓尙亮與弟尙義俱有勇力善騎射順治二年投軍
累戰有功署漳鎮總兵又授福州左路總兵

顏斌彭城人少好擊刺順治間從豫王南征又從討
吳逆斌有膽畧每戰之前夕或危懼不能寐斌獨
鼾卧被創則痛飲酣呼以振其氣得賞賜悉分眾
眾樂效死

吳汝琰彭城人弱冠爲諸生值流寇侵掠汝琰練民
兵保護鄉里嘗以計擒僞官順治初從大軍定淮

安授同知後歸田三十餘年凡郡中徭役興建及旱潦災侵之事輒首出金錢爲倡鄉邦推其好義張聯璧字又白徐諸生父沒哀毀骨立伯兄嘗遭誣被逮慮爲母憂 產以脫之弟死子幼召與同居及長分田與已子等

徐儀銅山人有夙慧年二十始讀書不數年卽有文名性孝友伯兄病危儀亦患疫起爲兄走百里延醫家貧猝遭母喪走冰雪中三日夜衣棺始備手足俱凍裂族黨悲之

劉英銅山人兒時有與以果者必袖歸遺父母及長

以貧廢學遂躬稼養親其父母好問古今遺事英構傳奇本於農暇時或風雨夕叩缶而歌以爲笑樂會年饑渡河傭工有鄰人告以母病英一日行二百里抵家母病已痊是夜親室火英宿外室排闥入扶其父出復入求母或阻之英大言曰焉有親在火內子在火外者乎卒躍入挽母抱持從烈焰中出火觸處遍體焦黑救火者不忍仰視是夕俱亡

韓元朗徐州人康熙間武進士從征耿精忠復處州諸邑後守泉州被圍衣甲不解者數月卒保其城

袁鈐徐州人武榜眼官延安總兵四十八年徐州饑
賑糧千石修岱山長橋數里鄉人德之

張道祥膽長子以父蔭授秘書舍人順治二十一年
山西地震道祥賑生瘞死撫恤備至大同饑出已
資購米四千餘石以賑樂戶買民女爲娼道祥繩
以法追出數百人出資贖之弟道瑞武進士仕至
福山遊擊

張道源道祥弟官曲靖知府後攝江西臬篆釋疑獄
七人又攝藩篆江西民以竹編屋多火災道源捐
廉置救火具民至今賴之

徐州府銅山縣鄉土志

耆舊錄

三十一

張彥璘道瑞子官隴州知州隴有採買狐皮等九事
爲民害彥璘力請除之虎伏林攫人彥璘爲文祭
青山神詰朝虎斃於道

徐鼎徐州人康熙癸巳進士以議典禮稱旨九遷至
署湖北巡撫俱有實政嘗於查賑粥廠辨民冤而
還其妻巡杭嘉湖日洗沈冤抑豪橫屏絕苞苴悉
除諸陋規革科場內外弊竇是科得人稱極盛云
張鐸以兄膽蔭除中書舍人出爲臨安同知時強藩
騷擾民不堪命鐸力爲撫恤擢守漢陽多善政去
官之日敝車羸馬閉戶讀書

張廣居銅山人官開封同知十餘年無水患常捐俸助賑後署歸德府疏通溝渠涸民田若干頃後任澤州知府建汾水壩鑿大行路民多賴之

李錫爵以貢任福州署興化府嘗革琉球貢使陋規三千金遠人戴之其爲治禁邪教興義學慎刑獄賑災黎辦軍需謹權稅皆有成績

方維翰銅山人喜讀書敦孝友樂施予同郡某赴選困不能行維翰以五百金助之雙溝地濱大河遇異漲 翰出已資僱夫防堵得無恙修學宮學署皆先輸助歲饑維翰煮粥給貧窮

徐州府銅山縣鄉土志

耆舊錄

三十三

張之麟銅山人歷官有聲尤加惠鄉里徐東鄉數罹河患田湮没人多流亡之麟出麥數千石濬渠洩水人還就工多所全活又疏房亭河築隄汙田盡成沃壤

丁泗吉彭城人幼穎悟及長工駢體文詩有唐音雍正乙卯舉於鄉

吳澣歲貢生家貧力學精研四子書著有講義數十卷

程苞九銅山人篤學工詩文子善慶譽慶俱善書法爲時所重

崔燾字虹橋道光元年由廩生舉孝廉方正後登鄉薦成進士改庶常授河南通許縣政尙寬簡民多便之後升裕州知州裕素多盜下車召名捕獲土匪數人盡法治之或疑政與昔異燾曰通民樸而弱施以猛則無所措手足裕俗强悍以寬治之益無所忌憚矣

蘇友三歲貢生幼孤世父天祐教養成立友三敦學勵品家居教授五十年出其門者皆端士

苗正春廩生幼孤事母曲盡孝養有聲庠序同治元年舉孝廉方正

徐州府銅山縣鄉土志

耆舊錄

三十四

趙光遠廩生家居孝友爲義塾師以嚴正授生徒多成就

賈裕昆生平深克己之學不以好惡爲毀譽清修雅操一時無兩

孫運錦銅山人拔貢咸豐元年舉孝廉方正性穎悟讀書過目不忘宿遷王氏多藏書運錦館於其家手鈔心識所學益博詩賦冠絕一時常遊淮陽有江南才子之目

拾世盤銅山衛籍修文廟節孝祠城工及纂縣志倡捐萬金以好義稱子登裕貢生敦品嗜學以拯災

恤患爲己任咸豐間築圩寨興團練鄉里賴之
高戩穀銅山小高莊人家貧力學以聖賢自期躬行
實踐雖耄弗怠嘗編次宋五子書

張亮基以舉人爲中書由林文忠公薦一歲三遷至
雲南巡撫未幾調撫湖南粵逆圍長沙亮基中途
聞警疾趨絕而入堅守八十餘日城賴以全勦瀏
陽土匪覆其巢以功署湖廣總督時武昌初復亮
基勞來安輯民忘亡焉後撫貴州被議去猶惓惓
國事上書數千言識者悲之

胡孟奎字星五歲貢生同治元年舉孝廉方正年高

有德品學俱優邑宰高君慕其人欲見之卒謝不
往晚年以書畫自娛人得之寶如拱璧

龔耀倫銅山人有膽畧負奇氣少時常隨總兵鮑某
戍上洋夜乘小舟航海探賊穴波濤洶湧榜人懼
而號耀倫叱之獨屹然不動後從忠都護圍巢城
賊分路來攻耀倫率所部攖其鋒炮傷右腮齒落
血濺衣奮呼不顧益死鬪賊披靡新獲千餘人後
又師次蕭邑捻匪掩旗鼓襲郡城耀倫欲回軍邀
擊眾以無帥檄不敢擅動耀倫憤然曰坐視城陷
耶率本部五百人抵郡城下展紅旗搏戰斃賊無

算賊由是不敢窺徐

張大烈銅山人性慷慨樂善好施凡邑有興築事無不躬先捐資以助成之光緒二十五年徐大饑大烈前後出資二萬金購米放賑親自稽查全活無數

吳鳳柱字儀堂彭城人少有勇力投營効力值捻匪之亂每戰輒奮力爭先以功累遷至湖北提督

戶口

現據縣冊糧戶約八萬戶人丁據縣志自乾隆至道光九年實在人丁三十九萬六千五百餘丁當差人丁仍舊四萬八千八百餘丁數十年來有水旱荒災故少滋生未敢臆斷俟以備考

徐州府銅山縣鄉土志

戶口

三十七

宗教

銅山有回教皆漢人之入教者無回種如阿刺伯
人類亦無喇嘛黃教紅教等人類有天主教耶蘇
教入教者亦屬寥寥

地理

疆界

廣距一百五十里從距一百三十里

至京師一千一百六十五里

至江甯省治七百三十里

東至宿遷縣界一百里

西至蕭縣界五十里

南至蕭縣界五十里

北至山東兗州府滕縣界八十里

東南至睢甯界一百二十里

徐州府銅山縣鄉土志

地理 山

三十九

西南至河南歸德府永城縣治二百二十里

東北至邳州界一百五十里

西北至沛縣界一百二十里

山

九里山 城北五里一名九嶷山其山連互凡九里 象山 九里山西峰狀如象故名

團山 城北十里在象山西 寶峰山 象山稍東

看花山 城北十里與九里山相屬 孤山 城西北十里在團山西北旁無峰巒故名

關山 城東北二里 桓山 城北十七里有桓魁墓故名今俗稱洞山有洞山寺

塔山 城東北二十里俗名大山 彭城山 城東北三里寰宇記云上有黃石公廟

太谷山 城北十里 鷄鳴山 塔山北

石山 城東北四十里舊有驛

檀山 石山稍東

鳳凰山 石山東有石形

馬山 去石里七

二郎山 石山東北十里

荆山 城東北二十里

青山 鳳凰山北

盤馬山 城東北九十里舊產鐵其陽有運鐵河漢高帝嘗盤馬於此

銅山 鐵山迤西相傳其地有彭城廢縣舊產銅

蜈蚣山 苑山稍西

爬頭山 城東北一百二十里連邳滕嶧界

羊山 一寨山南

苑山 城東北八里

內花山 二寨山北

寨山 城東三里

龜山 一寨山東

張孤山 南寨山西

境山 城北四十里相傳徐封境界

梁山 北內花里

弓弦山 石城北五十里有二如弦故名

徐州府銅山縣鄉土志

山

四十

絳山 城北四十里

子房山 城東二里又名鷄鳴山

黃山 城北七十里

尖山聖水山青頂山 相連城東八里

蝦蟆山 子房山餘脈

馬鞍山 城東四里

響山 上蝦蟆山東

孤山 稍南

盤頭山 城東十里

寺山 辛賈山東四十里

辛賈山 城東十餘里下有辛賈二姓故名

茱萸山 去寺里

聖龍山 辛賈山北有石孔二狀如龍眼

定國山 城東四里

塔山 去寺里

大黃山 雙洞山

雙洞山 城東北二十里

土山 稍南

小黃山 雙洞山

呂梁山 城東五十里臨二洪

卧牛山 <small>山冰西</small>	龜山 <small>以在山形紅名</small>	虎山 <small>山在西塘</small>	紫金山 <small>山在西鵝</small>	丁塘山 <small>山在城西南二十五里有漢高祖廟</small>	廟山 <small>山去五里</small>	湖山 <small>山在城餘南三里</small>	三山 <small>山在城東南</small>	徐山 <small>山在城東南</small>	雲山 <small>山在城西</small>	徐州府銅山縣鄉土志	五老山 <small>山在太山南五峰環峙如五老形</small>	明山 <small>山在正北</small>	旗山 <small>山在城西</small>	大山 <small>山在蘇南</small>	簸箕山 <small>山在城南九里</small>	戶部山 <small>山在城南半里許即西楚牧馬處</small>	讀書山 <small>山在與午山相連</small>	峰山 <small>山在城東南五里</small>	塔山 <small>山在呂梁山稍南</small>	駱駝山 <small>山在子房山南三里</small>
陶山 <small>山在城西</small>	楚王山 <small>山在城西</small>	韓家山 <small>山在城西</small>	王家山 <small>山在城西</small>	黑鳳山 <small>山在紫金山西南</small>	鵝山 <small>山在湖中</small>	女娥山 <small>山在城南三里</small>	牛山 <small>山在雲龍山</small>	楊山 <small>山在城南</small>	奎山 <small>山在城東南</small>	山	桃山 <small>山在城南</small>	黃山 <small>山在城南</small>	紅山 <small>山在與稍上</small>	馬跑山 <small>山在太東</small>	糠山 <small>山在太南</small>	金磴山 <small>山在尾雲龍</small>	太山 <small>山在諸雲龍山東</small>	雲龍山 <small>山在城南二里許上有放鶴亭其陰為黃茅崗為一郡名勝</small>	午山 <small>山在鳳山稍西北</small>	鳳凰山 <small>山在塔山旁一名鳳冠山雙峰如鳳翅相連</small>

大彭山 大城西三封十里

趙家山 腰與虎連山

蘭家山 十城北三

苗家山 城迤西王家

牛猛山 五河東里

土山 城為城南父塚有相傳

李家山 與牛猛連

兩山口 山城頭南與三

黃山崆 迤李家山

長山 山河東寺東土

時家山 山城寺東土

閆家山 二城十東里南

王家山 十城東二

茅家山 六城十東里南

出頭山 三城十東里南

狄山 十城五東里六

冰雹山 十城西里

龐家山 陸山南家

董家山 東狄南山

陸家山 山董南家

徐州府銅山縣鄉土志

山水

水

黃河 自東入南虞城縣流入郡界經碭蕭入銅山界

云汴河 一北名沁河 一南名黃河 一濬河 一泗水

居南沁河 北有河 南徙則與北合 徙則與沁合

故此河之名 有三故道 由西北斜貫東南 自咸

資河 一名奎河 由蕭縣東境下注直南過馬蘭集

閘河 舊洩黃水

引河 亦曰徐州河 自新渡口上承微山湖水東塘

泗水 入邳州界合於運河間 多淤云江蘇全省輿地

泗水 自沛縣流入邳州界 又東南入邳州界 東合汴

汴河故道

唐以後大入城北界經遂州城東北入泗自

房亭河

唐以後大入城北界經遂州城東北入泗自

一手禪河

唐以後大入城北界經遂州城東北入泗自

運鐵河

唐以後大入城北界經遂州城東北入泗自

泉河

唐以後大入城北界經遂州城東北入泗自

留城小河

唐以後大入城北界經遂州城東北入泗自

新河

唐以後大入城北界經遂州城東北入泗自

房村牛市河

唐以後大入城北界經遂州城東北入泗自

微山湖

唐以後大入城北界經遂州城東北入泗自

鷹麥湖

唐以後大入城北界經遂州城東北入泗自

鵝兒湖

唐以後大入城北界經遂州城東北入泗自

張塘湖

唐以後大入城北界經遂州城東北入泗自

黃山湖

唐以後大入城北界經遂州城東北入泗自

成山湖青塚湖泥溝湖

以上三湖相距七十里

徐州府銅山縣鄉土志

河湖

溝

淨淨溝

大彭溝

楊屍溝

龍溝

湖澱溝

以上皆舊時入汴水之溝也

三里溝

新河溝

烏觜溝

境山溝

池浜溝

北溜留夾溝

南溜溝

皮溝

急五道溝

新挑溝

以上皆舊時入泗水之溝也

東溝

西溝

留白溝

徐州府銅山縣鄉土志

溝 鄉鎮

四十四

以上皆近荆山口河悉為河沒

南岸有房村溝雙溝今湮

鄉鎮

一鄉

在東南境十村十一集 縣志

二鄉

在東境六村八集 縣志

三鄉

在東北境十七村四集 縣志

四鄉

在北境三十四村七集 縣志

五鄉

在西北境二十三村十四集 縣志

六鄉

在西南境二十四村五集 縣志

七鄉

在東南境二十四村九集 縣志

右城鄉編戶一百三十里據舊志編戶如是存以

備考

塾堡

自銅北往十里至石橋堡

十里至岡頭堡

十里至石山驛堡

十里至二郎山堡

十里至官路堡

十里至利國驛北堡

自銅山南往十里至頭堡

徐州府銅山縣鄉土志

塾堡

四十五

十里至二堡

十里至三堡

十里至四堡

十里至桃山南

岡上集在城東六十里

汴塘在城東北一百里

泉河集在城東六十里

利國司在城北八十里

房村在城東南七十里

雙溝鎮在城東南九十里

鄭家集在城西北五十里

敬安集在城西北七十里

梁家寨在城西北九十里

縣凡七鄉所有莊村圩集百餘處不可悉記

學堂

師範學堂 袁觀察創設
在東南隅

中學堂察院改建

高等小學堂雲龍書院改

小學堂十六所 徐州道設

又五堂 徐州府設內四堂三十一年太守朱新設

又三堂 徐州鎮設

又十二堂 銅山縣設

又一堂 府學王鶴琴設

又四堂 縣學張廉侯設

徐州府銅山縣鄉土志

學堂 工廠

四十七

通藝算社 前縣令陶仲彝設今袁
縣令南笙仍捐資舉行

工廠及習藝所

勸工廠一所 袁觀察創設共百餘
間在北門外夾河

習藝所一所 袁觀察創設在城內
東南隅共有百餘間

習藝所一所 袁縣令創設在東
門內共有數十間

古蹟

古城已見前表茲不備錄若樓閣則有燕子樓在城

西北隅黃樓東門上亭臺則有陽春亭唐薛能建放鶴亭

張天驥築快哉亭宋蘇軾名戲馬臺項羽遺蹟掛劍臺華祖廟內

堂軒則有逍遙堂蘇軾建村里則有雍門村雍門事彭

祖宅城西隅張山人園雲龍山有故址井泉則有彭祖井曾

子井在象山下拔劍泉飲鶴泉流碧泉道路則有玉鈎

路見戶部山

彭城封邑最古頽垣破瓦中具有數千年遺事據

舊志及郡志博采增載不可勝紀且流傳傳會者

徐州府銅山縣鄉土志

古蹟 祠廟

四十八

多茲特就其犖犖大者節錄一二詳見縣志

祠廟

社稷壇府城西門外一里

風雲雷雨山川壇南門外一里

先農壇縣城東郊

文廟一在城內一在鳳冠山

武廟東門內最古西門內俗名鐵關帝廟一在縣署東門外

名宦祠在學宮東

鄉賢祠在學宮西內

忠義祠學宮內

節孝祠 縣治東

區內祠廟寺觀不下百餘茲節錄其大者詳見縣志

土產

禹貢載徐州物產其隸今之銅境者惟五色土以他物非地所專產也然周禮地官物土之宜而布其利是又在因其地之植物動物鑛物而加以製造之得良不必專產卽通產亦可生莫大之利源矣

貨屬如 絲 棉 銅 鐵 牛羊皮革 麻

徐州府銅山縣鄉土志

土產

四十九

絹 布 靛 紅花 木炭 花石 硯石

以上皆鑛物植物產爲本境之天然產而苦於製造不精故出境者惟絲及牛羊皮革較多至穀屬如 黍 稷 麥 梁 豆 而豆油出境者較多蔬屬如金針爲出境大宗菓屬木屬花屬葯屬無多出境者惟瓜子爲大宗下至鶯粟亦爲出境之大宗此皆天然產也

商務

本境所產之物如鐵銅煤發達未見甚盛製造亦未及精良故出境者少如絲棉豆油牛羊皮革靛鶯粟瓜子金針為出境之貨然水陸運道維難故商務亦較東南諸境為稍遜自他境之運入本境者如煤油洋紗及洋貨銷行為最多而無運道無以利工商故通商為第一要義製造不改良無利工商故勸工為第二要義今實業勸工諸端俱見開辦袁觀察創設實業勸工廠新出各種貨物如植物產動物產礦物產以當地之天然產加以製造之改良現時貨品共有數十種他日暢銷內地不獨振興徐屬之商務並可挽東南諸境莫大之利權誠盛舉也

實業勸工廠製造之貨物列下

棉物類 柳條花布 時式花色共百餘種

毛巾 大號中號小號 毛巾被單

絲物類 各色徐綢 各色徐縐 另有絲兼棉之類

各色徐紗 縑絲

毛羽物類 徐呢 製有各種顏色衣料 斗篷

床氈 桌氈 地氈 操衣 操帽

化學類 洋皂 塊皂 條皂 洋燭

食物類 平果脯 花紅脯 桃脯 杏脯

沙果脯 林檎脯 梨脯 梅脯 蜜棗

杏干 桃條

木物類 新式睡坐椅 茶几 大餐台

掛衣器 學堂新式聯合桌椅

機器類 軋花機器 織布機器 織毛巾機

器 及一切附屬雜件

